

永順縣志卷三十

縣 人 文 琴 張 孔 修 編 纂

人物四

○○列女士

自後漢書傳列女後之作史者莫不有列女一編攷其敘述大氏節烈居多再思四維微論烈與列不同即烈與節亦迥異而貞孝賢壽更判若雲泥矣試詳其類別如

左

○節

不論妻妾凡年在三十以前夫死而守節至五十歲者或年未五十身故其守節已及十年者均曰節婦案此特就曩時言之也近自平等自由之說出而女權始獲伸

張

總理謂中國革命後便給女子參政權議會中亦選女議員何等高尙何等榮耀知

永順縣志

卷三十

人物志 列女 節

二萬萬女同胞始脫離二萬萬男子之壓力以視從前之拘泥者大相逕庭然不觀近時不知女權之貴不思往日不知女德之純故縣志傳列女仍以節爲書首

清

彭肇模妻李氏土司肇槐弟婦也雍正六年改土歸流肇模遷常德卒李時年二十八扶

櫬歸孝事病姑撫子成立

二子景煜景燦皆諸生

知府張天如表之

志通

向坤妻彭氏少寡紡績育子以艱苦立節

志通

李道清妻鄒氏蚤寡撫子文燦成立弟道溥妻明氏與鄒同志

志通

生員黃學舜妻楊氏

有坊已另載地
理志坊墓篇

楊大任妻張氏

坊有

張志剛妻唐氏陝西遊擊瑋女志剛入營伍征金川戰死唐年二十四悲號累絕撫幼子

成立

志通

羅自清妻雷氏下榔保人生子四歲夫亡守節三十餘年教子文海爲諸生

張府志

史永韜妻劉氏年十七適永韜四載而寡子世棟方彌月翁姑繼物遺子女六人皆幼劉均撫字成立世棟亦補諸生有文名

張府志

陳瑛妻熊氏善病勸夫娶妾嗣各生一子未基夫故家貧勵志守節奉翁姑生養葬祭皆盡禮視妾如手足教兩子成立守節四十四年至七十二歲而物知府張天如旌之

志

張府

田慶書繼妻彭氏年十七歸慶書甫兩載夫病彭侍湯藥三易寒暑夫瀕死恐其有他志唾帷謂彭曰爾拭之勿污彭知諷已泣誓明志夫乃瞑目彭事姑孝嘗請於姑爲夫從弟慶香娶妻冀其生子而嗣夫也慶香妻卒不育彭選於族無可祧者因茹素終身

志

唐縣

李珍妻石氏年二十四生子未週歲夫物家貧守節奉孀姑竭誠盡孝紡績教子苦志四

十八年知縣陳惠疇旌之曰女中師表

魏府志

生員劉綸妻侯氏二十二歲夫故守節四十年卒

唐縣志

永順縣志

卷三十

人物志 列女 節

二

熊登貴妻蕭氏二十歲夫故守節二十九年卒

唐縣志

賴伯禹妻廖氏三十歲夫故

唐縣志

黃廷縑妻向氏三十歲夫故守節四十三年卒

唐縣志

生員陳萬選妻楊氏二十九歲夫故守節二十九年卒

唐縣志

生員陳常母王氏三十歲夫故守節五十年卒

唐縣志

生員田啓科妻王氏三十二歲夫故守節三十八年卒

唐縣志

生員謝上聘妻曹氏三十歲夫故守節三十一年卒

唐縣志

劉武妻修氏二十六歲夫故守節四十八年卒

唐縣志

張守成妻姚氏二十三歲夫故守節三十七年卒

唐縣志

孫承聖妻羅氏二十二歲夫故守節四十九年卒

唐縣志

董大淮妻熊氏二十五歲夫故

唐縣志

周大濱妻陳氏十八歲夫故

通志作大賓

楊繼善妻王氏二十四歲夫故

熊文魁妻王氏二十六歲夫故守節五十五年卒

蕭士培妻陳氏二十一歲夫故守節五十年卒

向天智妻田氏二十八歲夫故守節四十八年卒

彭學易妻向氏二十五歲夫故守節六十年卒

唐賡縣志云自李石氏以下俱載入嘉慶通志

舒廷璋妻羅氏 萬文雪妻彭氏 劉生瑜妻熊氏 王國安妻熊氏 吳松廷妻楊氏

向萬明妻熊氏縣志作侯氏 王士明妻熊氏 魏爾謙妻王氏 楊守廉妻陳氏縣志作唐守廉

鍾文光妻張氏 賴長春妻陳氏 彭相識妻郭氏 盛永珍妻潘氏 裴振剛妻李

氏 劉官位妻向氏 黃光珠妻宋氏 歐陽榮妻彭氏 姚啓鳳妻田氏 裴正奎妻

譚氏 李長慶妻向氏 劉士進妻馬氏 鄭朝瑞妻曹氏 熊如麒妻盧氏 陳能儀

妻曾氏 吳道高妻向氏 宋啓陞妻喻氏 高國璽妻張氏 田應龍妻張氏 程世

永順縣志

卷三十

人物志 列女 節

三

覺妻謝氏 楚祚松妻吳氏 宋志揚妻蕭氏 符世文妻羅氏 符景山妻田氏 石

明顯妻鍾氏 鄭大貴妻瞿氏 田景秀妻尹氏 瞿善家妻劉氏 劉順選妻李氏

符景科妻向氏 吳之壯妻任氏 張國琳妻吳氏 張士奇妻陳氏 李士衡妻張氏

陳廷松妻王氏

光緒通志云皆以節終並道光十三年旌

裴殿楷妻姚氏 龍舒階妻姚氏 胡之義妻黃氏 余速士妻周氏

光緒通志云皆以節著並道光十七年旌

張承斌妻謝氏 張友棕妻黃氏 滕自壽妻彭氏

光緒通志云以節著並道光十九年旌

李應富妻張氏 黃宗藩妻楊氏 宋大綬妻呂氏 盧有鵠妻岳氏 康祖英妻李氏

康惠圃妻高氏 楊廷梁妻高氏 杜元吉妻陳氏 胡仁達妻蕭氏 田先其妻吳

氏 余忠武妻雷氏 田澤清妻石氏坊有 楊志煌妻黃氏 彭承善妻彭氏縣志作蓬氏

黃選陶妻郭氏 吳汝愚妻李氏 康祖連妻劉氏 吳肇修妻胡氏 王廷獻妻梁氏
鄭明謨妻蕭氏 黃汝德妻康氏 周維垣妻姚氏 姚生發妻吳氏

唐賡縣志云同治四年訓導尹宗鬯彙案請旌

丁公榮妻向氏 黃邦達妻康氏 宋大智妻陳氏 陳文忠妻賴氏 朱芝智妻李氏

陳定義妻馬氏 陳能儀妻曾氏 熊正榜妻修氏 杜芝麟妻顏氏 陳長泰妻曾

氏 姚大勳妻陳氏 黃錫疇妻向氏 吳道幹妻李氏 康祖衡妻李氏 王明妻張

氏 田應龍妻張氏 王肇棟妻貴氏 黃守瓊妻向氏 董光乾妻陳氏 王新科妻

杜氏 黃德鄰妻蕭氏 黃恩占妻張氏 孔傳鳳妻向氏 王祖柏妻袁氏 黃大開

妻陳氏 宋自拔妻劉氏 董光輝妻謝氏 梁昌平妻許氏 王萬鍾妻張氏 王超

拔妻謝氏坊有 彭景順妻彭氏縣志作蓬景順 李開亮妻周氏 向太乙妻萬氏 何祖繩妻

杜氏 張曉妻謝氏 樊友南妻吳氏 黃永員妻陳氏 胡春陽妻田氏 龍明彥妻

羅氏 龍明第妻彭氏 張維述妻黃氏 陳文達妻王氏 左九阜妻黃氏 彭儒恂

永順縣志

卷三十

人物志 列女 節

四

妻吳氏 田光明妻向氏 楊繩美妻張氏 朱生貴妻金氏 李開來彭妻氏 胡泰

運妻彭氏 彭人彥妻向氏 彭承尙妻彭氏縣志作蓬承尙 黃容光妻李氏 向經正妻陳

氏 何許仙妻曾氏 何繩正妻高氏 熊世柏妻劉氏 姚大炳妻張氏 陳明縉妻

黃氏 孔廣燦妻向氏坊有 廣正燦妻萬氏 黃兆蕪妻周氏 張興仁妻周氏 管道

生妻陳氏 田國泰妻胡氏 王文照妻向氏 謝源湘妻魯氏坊有 譚開經妻陳氏坊有

彭承志妻陳氏妾張氏 李大棒妻謝氏 李祥基妻鄭氏 朱成文妻熊氏 陳振

縮妻彭氏 姜之萬妻謝氏 張九思妻姚氏 劉應紳妻譚氏 向光和妻毛氏 秦

國遠妻王氏 李榮煊妻向氏

以上均詳唐賡永順縣志

康永椿妻趙氏 青年守節道光辛卯訓導高大鈞贈有柏翠蘭芳匾額案趙氏工詩作有

詠以摭其艱苦卓絕之操寫其感慨淒涼之況惟採訪員未開明事略故無從懸揣茲

醒聞鵲云深院沉沉睡欲迷忽驚杜宇喚前溪鳥愁更比人愁甚徹夜無眠徹夜

菊云隱逸端宜處士家不令左女擅鉛華縱然霜肅西風冷枯死枝頭不落秋感

懷云手冷和丸暗斷魂西風颯颯獨倚門淚珠彈上丹楓葉不辨霜痕與淚痕春竹云春
云怒馬如飛鐵甲寒冰天萬里戰皋蘭閨中不望封侯信只望函封一字安
頭乍滿林班行如玉列森森清操恐被淤泥染錦甲層層保護深
又哭兒敬姜朝暮不知吾師媧皇縱有回天力難把人間恨補之
沉吟欲賦詩玉漏不知人意苦丁東滴到夜深時
愁心欲入黃梁夢驚破東鄰報曉鷄
春日黃鶯傍戶嘯幾度思量愁緒苦呼童逐去綠楊西

吳成參將張瑞麟妻陳氏詰封一品夫人年甫三十瑞麟卒於任遺子女各一夫人立志

撫孤扶櫬回籍安厝守節三十七年卒初瑞麟之任吳城也擬迎養其父士寬母氏陳

囑弟瑞珍與其妻李氏護行抵任年餘咸病瑞珍夫婦兩次護送還家次第卒喪葬俱

盡制同治十年瑞珍歿無子李氏依嫂姪居年八十無疾而終守節四十四年

潘高甲妻向氏年二十九夫從軍物於江南向孝事病姑維謹姑年九十始卒生事葬祭

人無間言撫四子均成立守節五十六歲卒長孫味辛兩歲失恃亦向撫育成立後入

邑庠宣統二年知縣俞壽璋為請旌表巡撫楊獎以節孝可風

倪文連妻張氏二十四歲夫故遺子學恆甫六齡撫之成立為娶妻唐氏生子三而學恆

永順縣志

卷三十

人物志 列女 節

五

又故唐年二十有九承姑志亦守節撫孤姑媳相依備歷艱辛張守節四十九年卒唐

守節十八年卒唐季子體華入泮人以爲兩世節孝之報

林彭氏文生奎元祖母也其祖父故彭氏撫子維清子又故復撫孫光緒乙巳學使支恆

榮表其門曰節茂筠貞年八十五歲卒

彭楚商妻范氏二十八歲夫故遺二子尙幼矢志守節時翁姑均健在孳孳奉羹湯維謹

行年五十其翁患足疾率子媳日夕侍無倦容姑年八十餘范氏病篤至彌留猶以不

獲終養爲憾卒年五十五歲二子長善儒武庠生次善明文增生光緒二十一年旌

李奇珍爲誌其墓曰孺人彭處士寶田之妻范茂才秉齋之女也生柔筭禮德充於容

以相累也故寶田得淳力於學然文章憎命一躡遽天且言曰從死義也吾夫死翁姑與

善儒生六歲以明甫兩句堂上翁姑皆無恙也孺人哭且言曰從死義也吾夫死翁姑與

一諸孤在吾何可以死孺人志守節而翁姑有負所託事翁姑維持調護體察必周適其飲

子宜寒夕侍無倦容姑八旬餘孺人病篤至彌留猶以姑在不足獲終養自責是其發於中

有法度服飾不華而樸家日而起而紡績不稍暇訓子規矩嚴整長就武次習儒業一

脩餽送弓馬書籍之資竭蹶籌辦無弗給以是二子皆有聲庠序待人和藹尤喜施予姻族歸厚率由是也今司馬朱以孺人節孝事上之於朝旌之榮綽楔焉以光緒辛卯年歿壽五十五歲子二善儒武庠生善明文庠生孫六孫女三葬某處善明從余遊問序於余爰書此以遺之使泐諸石銘曰是惟孺人之宅兮既固既安俾爾昌而大兮卜者曰然吾以決天之保佑節孝兮何侈乎舟之覆而牽之連

覃祚梅妻彭氏年二十八夫故子家訓甫三歲家貧上事翁姑孝養不懈下撫孤穉艱苦備嘗既而弟婦田氏物遺子女三亦竭力撫之令備婚嫁光緒辛巳媳向氏又物復撫六齡孤孫樹聲湖南陳巡撫爲之請旌詔准發帑建坊以表其節卒年七十有五

彭景秀母楊氏二十二歲守節事翁姑孝卒年七十二孫文燮郡庠生曾孫承基武庠生家業均豐裕人謂楊氏節孝所致

楊純泳妻張氏保靖人新疆知府張開鑑姑母也年二十五夫故子先拔僅半歲撫之成立物年七十二歲

田啓熾妻張氏咸豐中啓熾從軍物於黔張年二十七歲遣人逆夫柩歸葬事親教子克盡孝慈光緒中學使江標獎以清芬著節匾額物年八十歲

永順縣志

卷三十

人物志 列女 節

六

彭明雁妻向氏貢生璐鈞之姊年二十二夫故守節二十六年卒光緒中旌准予入祠建坊

文生張光星妻向氏年二十餘生五子而夫故次子昭銳郡庠生學使吳樹梅獎以操榮玉柏

楊仕堯妻丁氏年二十四夫故守節長子已先殤既而次子學金又物撫孫文富成武生卒年八十有二

李開來妻彭氏年二十二夫故撫子朝聘遊武庠年八十六而終姚汪氏年二十二夫故撫子紹烈成人卒年七十歲孫曾遊泮畢業者數人咸眼見之

胡昌明妻塗氏正鵠之女年及笄于歸生子泰階未週歲夫故上事翁姑下撫孤兒成立爲娶婦田生四子而泰階又天姑媳並勵苦節久之翁老姑瞽塗日督媳奉事昕夕罔懈里人咸稱頌之

傅文藻妻杜氏

坊有

田澤山妻瞿氏年十八夫從軍江南陣亡撫子定芹成立光緒丙申學使江標手書冰霜著節四字以表其閭

庠生丁家塾妻張氏年二十八歲夫故矢志守節撫三子均成立光緒中與堂嫂宋同時得學憲江標獎以冰霜共勵匾額張物年七十八歲次子祖蔭文生宋物年八十

田必稼妻許氏年二十四夫故無子祧天兄子大浩爲嗣家貧以紡績撫孤知府魏式曾嘗歲給恤糈金以獎其節歿年六十有九

李敘模妻向氏年二十孀于李生子傳儒敘模年少能文光緒初府試第一人奈攻苦成弱未臻院試而病故向氏時年二十九矢志守節撫孤成立弟媳向氏亦蚤寡撫二子成立妯娌並勵清操里人咸衿式焉

雷宏範妻周氏年二十二夫故無子以夫兄子懋功爲嗣撫之成立茹素終身物年六十有三

蕭國欽妻甘氏年二十二夫故撫孤守節子爲高歲貢生光緒己亥侍郎吳樹梅視學至

永順縣志

卷三十

人物志

列女節

七

永錫茂蔭金萱額以表其門物年七十餘歲

符永璋妻鄒氏諸生佐璫之女年二十夫故守節撫孤家族涎其產業者百計欺凌卒不爲奪

生員唐凌漢妻田氏年二十四凌漢病故家貧守節撫孤以紡績自給卒年四十有八

符開培妻胡氏年二十二夫故守節撫子泰焯成立光緒二十七年吳樹梅學使贈青柯儷節四字二十九年准予建坊入祠卒年六十有三

黃選堂妻楊氏拔貢夢筆之媳年二十五夫故守節四十八年卒

黃選璋妻米氏年二十四夫故撫子嘉祿成立守節五十二年卒

庠生黃錫九母周氏貢生明緯姊也年二十四夫故矢志撫孤卒能成名物年七十歲孫酉源庠生辰源廩生

龔羣玉妻唐氏年二十五夫故撫二子方永方曉有侮之者乃斬一指以矢靡他學憲江標義之手書冰玉同清四字以額其門卒年七十四歲

彭兆榮妻楊氏年十九夫故遺腹子慶元撫之成立名列成均孝事兩孀姑始終無間守節五十年光緒辛卯歲卒

李開亮妻周氏年二十六夫故撫遺腹子朝陽守節五十七年卒

彭正榮妻傅氏年十九夫故撫二子大賓大邦成立卒年七十五歲

瞿正明向氏年二十七夫故撫子成立卒年八十一歲

蒲開華妻謝氏年三十夫故子女皆幼家貧苦守無何子景春又殤適值年荒恆借貸於外家背負菽粟懷抱幼穉往返數十里不敢告勞姑趙氏性悍惡年七旬猶善飯且飴糖不絕於口稍不遂意輒作不情之詬詈張事之謹姑妄聽人言欲奪其志而嫁之祕議將成而張實不知一日媒妁至家其辭閃爍未敢逕達張探得其情突起揮刀斫媒臂媒負傷疾遁是後無敢犯者卒年七十六歲

何其莊妻鄒氏年二十一夫故矢志撫孤子二長祖遠教之耕次祖蔭教之讀均成立卒年六十一歲

永順縣志

卷三十

人物志 列女 節

八

張永齡妻何氏年二十四夫故仰事俯蓄獨力支持億則屢中若有神助家道勃興僉謂由節孝所致卒年六十八歲

黃錦才妻張氏二十四歲喪夫遺子雙桂遺腹女一依母家守節撫孤年六十七歲卒

盧臨魁妻羅氏二十七歲喪夫撫子錫崇銀崇知縣某獎以古井波平

彭施鉅妻覃氏增生光裕之女貢生勇行之媳年二十三夫故遺子漢圖遺腹子曰衍圖年十三入郡庠覃孳居守節三十四年卒

張運昌妻王氏年二十三寡無子僅遺一女撫夫姪光銘等若己出光銘得博一矜受其成全之力居多光緒中爲上其行誼學使江標書冰霜著節四字以額其閭久之門圮椽瓦皆齧粉獨此匾完好如故俄而新門成光銘子文生丙熾仍爲懸挂之以風世覃世興妻彭氏年二十四寡無子祧夫弟世舉子開俊旋因世舉無子又轉祧焉後各有子彭年七十八歲卒

大井向氏同時有節婦四一王氏二彭氏三李氏也王爲泰模妻年二十一守節撫孤

文申卒年六十四歲光緒中與已經建坊向開益妻彭同時請旌又有同時旌表者爲泰階妻彭氏也彭氏二十一歲守節撫孤文健成立見年八旬餘猶健在其未得旌者一爲泰楨妻彭氏一爲泰榕妻李氏彭年二十夫故無子守節二十九年物李年二十一夫故亦無子祧夫弟子文燦爲嗣物年五十有四

彭光琅妻陳氏年二十二夫故一子宗儒弱冠又夭陳與媳向俱孀守過繼夫弟光璵子宗奇陳卒時年七十有二越四歲媳年五十二亦卒

文生譚大魁妻楊氏年二十七夫故撫孤開元成立女適城南石氏每值佳節必接母飲食不輕過從卽往亦必由城外繞道詣之此可見苦節之一斑光緒二十五年旌卒年七十有七

楊世蕃妻黃氏年二十八寡遺子二家貧苦守卅番堂伯父文生萬盈爲報保節堂以恤之卒年四十四歲

張光燕妻謝氏文生長芹女弟也年十八孀于張生女一夫故家貧泣欲絕轉念翁姑耄

永順縣志

卷三十

人物志 列女節

九

禮祀無主勉存其身冀祧姪以延一綫節衣縮食勤苦成家既因夫兄弟均止一子未便過繼迺權祧孫以承重而夫祀賴以存未幾卒年四十有九

李華浩妻陳氏年二十八夫病割股療之無效嫠居二十九年卒

王化敏妻符氏年二十七夫故遺二子福章福海均年幼家貧力作以爲仰事俯蓄之資卒年四十歲

貢生楊文健妻彭氏年二十八夫故子女各一撫之成立孀守四十三年卒

胡大珍妻徐氏年十九夫故矢志守節胡爲縣之巨富子孫輩仕宦交遊與馬喧闐惟徐氏性情恬淡寡居一室數十年中所得者溫飽而已

梅鍾秀妻毛氏年二十二夫故依父信來家獨居二十四年卒鄰人罕識其面

向道均妻周氏年二十八夫故有女三無子祧夫兄子爲後物年六十歲

田心廣妻黃氏年二十夫故撫子女各一矢志不二卒年五十歲

謝遠紹妻胡氏年二十六夫故無子過繼夫兄子爲嗣物年四十有四

彭文治妻吳氏名梅英年二十七夫故無子立志守節祧姪孫德盛爲後以延禋祀卒年六十歲

文生唐子楷妻田氏年二十五夫故守節二十七年卒

外委張序亨母姚氏年二十八夫故守節四十三年卒

彭文謨妻朱氏年二十八夫故守節三十二年卒

彭萬基妻嚴氏年二十六夫故守節四十四年卒

姚華瑜妻楊氏年二十四夫故守節四十六年卒

王天階妻彭氏年二十夫故守節五十四年卒

張心鑑妻彭氏年二十四夫故守節四十七年卒

劉光遠妻尹氏年二十夫故守節五十三年卒

向天德妻楊氏年十九夫故守節四十四年卒

向永錦妻彭氏年二十八夫故守節四十五年卒

永順縣志

卷三十

人物志 列女 節

十

胡光昕妻李氏年二十六夫故守節二十年卒

李光錫妻向氏年二十七夫故守節四十五年卒

李華溶妻梁氏年二十二夫故守節四十年卒

蕭長彥妻謝氏年二十九夫故守節四十六年卒

楊學純妻熊氏年二十三夫故守節五十五年卒

民國

黃上恂妻胡氏年二十二夫故遺子紀銘僅兩閱月撫之成立守節四十四年卒時民國四年也

顏廷興妻翟氏年二十寡撫孤守節家貧佃田自給鄉俗家無壯丁難佃腴田故翟氏所佃者率皆瘠土以勤勞故仍得豐收馴致小康門衰祚薄屢被盜賊痞徒所欺凌惟子孫奉教維謹晚歲頗恬愈民國以來復被匪掠家貲皆罄聞者爲之搯擊卒於庚申年八十有一

生員李杏妻張氏名玉梅生員蓋南之女年二十九夫故撫孤子傳章成立光緒三十二年旌守節三十年民國十一年卒

孔昭善妻符氏年十九夫故僅遺一女過繼夫弟子憲達為嗣未幾女復夭符雖勤猶自解曰吾已有子矣女終非孔門後况修短有數奚徒傷為遂撫憲達成立令求學遠方數年未歸不以為憂也家小康尚勤女紅不輟遠近咸稱賢淑學使柯紹忞視學至永為題柏志松心四字以表彰之卒年六秩有餘憲達字篤生歷任軍政要職人僉謂其母節孝之報

唐上舉妻方氏年二十七夫故無子偕妾王氏矢志共守祧夫姪位大為嗣為娶姚氏有子二物故續娶姜被匪劫投崖死先是民國二年冬邨中火數十家皆成煨燼惟方家無恙九年避匪遷居無極堡夏五月堡中火起延燒甚眾逮方宅忽止十一年再遷磐石山山居者復燬于火惟方之茆廬歸然獨存由此觀之方氏雖屢遭人害竟得屢免天災人咸謂姑婦節烈之報理或然與卒年六十歲

永順縣志 卷三十 人物志 列女節 十一

彭文休妻李氏年二十八夫故撫遺腹子明善成立見年八十有八歲

傅明興妻黃氏年二十四夫故撫子如素居庵禮佛見年八十七歲

田先庸妻王氏年二十三夫故遺一子殤以伯子兆坊嗣因事中變改祧叔子又殤久之仍祧兆坊以存夫祀知事曾鏡心為題節昭千祀四字以額其門

旌文呈為公舉節孝照給匾額旌獎以勵風化事竊以詩錄柏舟貞姬所以標節概禮藏

栗主繼世所以重明禮茲有勺哈保處士田先庸之妻王氏生長名門幼閱訓瀋菅刈

葛循循師氏之箴賦菊頌椒提燕寢入徵祥之兆年二十歸田門賓敬無遠紅光照室白氣

於斯時也破天崩號泣罔措撫茲弱息忍死偷生惡筭露紉長捐耀首之華荆釵布裙

時映麻衣之雪既而孺子富肯堂構則美輪奐免營齋奠則格桑種畝相度極堂經營

宜養魚牧豬孳乳得金穴之富肯堂構則美輪奐免營齋奠則格桑種畝相度極堂經營

一髮已奈何昊天不弔禍變忽來童子正舞勺之年玉樓赴修文之詔夫於九原延何嗟及

之教且夫禍莫慘於絕禮祀簡以禮莫重於承宗祧則風雲又變矣兆坊者此也才承祧若

戲奪彼掌上還是我宮中三其德謂之何哉雖然事未已也則又有陳說於前作計於後

者依然猶子更是我宮中三其德謂之何哉雖然事未已也則又有陳說於前作計於後

非常優鉢之花一本現昨盤纒而週怛焉鞠物化之命愈篤不猶已至斯極已此伯道無兒昔人所

歎於天道也雖然猶未已也大抵作善者天必佑有志者事竟成樂武子德猶在人感偉伯家宜有後天啓其心人作之合伯氏之子兆坊者自見奪後茹苦含辛冬月履霜爲人作收祖母憐之命仍後仲氏素明大義永言孝思母姑有命敢不奉承於是合浦之明珠復返秦廷之趙璧終歸從此膝下承歡宮中教受延師課讀負笈從鄒魯之儒擇吉聯姻結褵成秦晉之好祥徵麟鳳慶衍桂蘭庶庭堅之祀不墮而若敖之鬼弗餒也巳某等或誼切葭莩情聯桑梓因通家之既久知彼美之最真茹茶耐苦節比冰清倚竹忘寒情同霜肅爲子孫營華屋生有安居之榮爲舅姑築佳城沒有同穴之樂此又婆婦之多能而爲邱里所罕見者也允宜表厥宅里樹之風聲是用敘述生平陳諸座右借文昌遠耀增寶婺光輝寫甘泉畫像之儀懸於北斗仰學士如椽之筆敬爲南豐謹呈

熊福照妻向氏年二十二夫故子輔世三齡撫之成立清光緒二十一年旌學使江標錫

松筠貞操四字扁額見年八十四歲

陳朝璜妻向氏年二十八夫故遺子一女三家貧窘生計維艱迺率其女力農課其子力

學久之家斷裕清學使題德永於貞額以表之見存年八十三

嚴廷舉妻李氏生子昭山僅半歲夫故撫之成立娶媳才半載昭山又故遺腹生孫茲謙

未週歲媳改醮嚴以禫祀之延僅此一綫復撫之成立見年八十有二

諸生姜世菑妻向氏年十九歸世菑三閱月而世菑故家貧無子矢志不二無何夫弟世

永順縣志

卷三十

人物志 列女 節

十一

薇及姑氏何相繼亡姜氏奉祀無人勸翁順賢娶繼姑向向後生子六女二向氏孝事翁及繼姑翁兄順昌弟順泰皆以明經銓學官憫其苦節授以腴田俾別居贍之而向以翁姑貧不忍獨裕每食必先進翁姑然後敢嘗逮翁歿乃讓其田於繼姑子清光緒中學使江標以勁節可風表其閭旋移居母家茹素其弟嘉焜爲築節貞觀使居焉民國十二年黎大總統錫額曰婦德綱維並給金質褒章現年近八旬猶強健

大總統褒曰禮修引過中壘傳其高風行義旌門魯桓昭其懿範是以班姑女誠貞順兼賅鄭氏孝經慈惠綦重爾湖南永順姜世菑之妻向氏者婦德無慚女宗共仰作廣漢之嘉耦法祖功高乳山南之衰姑昌後望重拯鄰昂斛苟粟爭頌乎夫人課子畫灰歐荻踵師乎賢母具此行誼允矣褒揚於戲芬延草席彤史紀儲婦孝思志矢柏舟邠風

詠共姜大節作之坊表維乃坤貞

內務部爲發給證書事查姜向氏係湖南省永順縣人經本部審查事狀核與褒揚條例第一條第口款

之行誼相符除呈准獎給口綬金質褒章外合行彙給證書以資證明此証

程光昭妻楊氏年二十二夫故撫孤子傳漢娶媳康氏完婚甫十日暴亡康年十九慟不

欲生姑多方慰之迺止楊祧夫弟子傳德爲嗣時年數歲與媳康同撫之及長娶胡氏連舉三子以一子繼傳漢後傳德忽溺死胡年二十四楊又與兩媳同撫諸孫逮長孫家瑞娶胡氏生子未彌月復以暴疾終楊又與兩媳一孫媳同撫孤曾孫一門苦節三世孀居兩繼絕房三撫孤子自來守節之苦未有逾是者前清光緒末造地方官爲給桐華表潔匾額楊年逾八旬今猶健在長媳康六十四歲次媳胡四十六歲孫媳胡雖屬妙齡當亦能終志者

程光榮妻黃氏年三十夫故有子二以伯嫂子傳漢暴亡無子迺繼以次子傳德久之長子傳賢前清時以軍功授瀟溪把總母亦援例受封典人以爲節義之報見年七十二歲

彭文佑妻胡氏年二十六夫故矢志撫孤貧無產業唯紡績以謀生見年七十有五人以苦節稱之

蕭長遠妻李氏年二十八夫爲他人事被害二子大忠大敏均幼泣謂之曰汝父死於非

永順縣志

卷三十

人物志 列女 節

十三

命嘗控官仇人竟以赦免族弱又不能爲役汝等長能報之吾死才瞑目矣大忠時年八歲泣應曰不敢忘及長仇人已死擒獲其子欲手刃以祭父墓仇子以二百金贖命或勸大忠旣得錢可薦汝父另以酷刑虐仇子仇子必不得生何計如之大忠曰善逾年仇子果死絕嗣母喜曰今後吾可死見汝父於地下矣民國二年卒年七十有二姜世蓉妻向氏生員定元女也年二十夫故遺一子守節撫孤見年七十餘已抱孫矣陳良遠妻彭氏年二十二夫故撫子利一成立見年七十一歲

田必良妻王氏年二十二夫故遺子大學生甫六閱月撫之成立見年七十歲

向逢吉妻姜氏年二十三夫故上事孀姑以孝聞下撫孤子二教訓有方克底於成見年七十歲

劉光清妻王氏年二十三寡孤子一才半歲家貧或勸改嫁堅不肯從勤女紅撫子成立見年六十有八

生員曹懷清妻彭氏年二十七夫故守節見年六十有八

杜德沛妻塗氏拔貢正南孫女也年十七于歸以勵志勤學爲夫勗且孝事孀姑恆得其歡心久之姑棄養其夫亦相繼逝塗時年二十有七遺子女三人擇師教子故次子鍊塗得入膠庠前清時學憲支恆榮爲題半生苦節四字以表其閭拔貢吳安仁等爲上其行誼得旨准予建坊俄長子正圭客死他鄉次子亦病故於家塗以爲數不可逃咸夷然處之見年六十有八

王國培妻彭氏年二十八夫故無子僅育二女見年六十有八

陳宗興妻謝氏年二十五夫故家貧矢志撫子見年六十有八

符開運妻唐氏年二十六夫故守節見年六十有八

符泰清妻史氏年二十五夫故守節見年六十七歲

張明曦妻范氏年二十四夫故撫子女各一未幾子殤以夫弟子德蒸嗣爲娶其胞兄范國光女生子二女一而德蒸復夭與媳同撫孤孫承典承護范性敏慧舉鄉邨男婦數百人生卒年月悉能默記無譌其姪子等多貧乏常以產業讓之不與校其處事能諳

永順縣志

卷三十

人物志 列女 節

十四

大體類如此見年六十有五

劉天德妻蕭氏年二十二夫故立志撫孤見年六十有五

彭上來妻魯氏年二十六夫故遺一子甫二歲撫之成立弱冠復夭獨修穎砂蟠桃庵前石磴架梁覆屋以便行人見年六十有三尙健

龔登高妻張氏年二十九夫故撫子成立見年六十三歲

楊世熙妻余氏年二十四夫故子女各一家甚貧窘舅姑數令改適不從攜子女居母家勤苦自持文生楊萬盈憫之爲報保節堂得月領薪貲見年六十一歲

世職李永祥妻劉氏年二十九夫故撫二子成立見年六十一歲

陳元甲妻劉氏性孝其翁廷春病篤嘗割臂肉合藥以進病尋愈教子義昭等三人均有名於時民國十二年黎大總統題懿範孔彰四字以旌之見年六十餘尙強健見者以爲節孝之報

大總統褒曰棄葛妙真之產侍病而手散千金全魯義姑之宗却敵而舌憑三寸自來巾

輻代有完人凡屬閨門皆宜矜式爾湖南永順陳劉氏生長名門于歸士族作姜家之嘉耦廣漢風高乳崔氏之邁姑山南日永散王母之帛三鄰齊頌爲知興開苟妻之倉兩字大書乎周急如此行誼允矣褒揚於戲鄭氏輯孝經之書婦德俱備祇園誓衆生之願佛法無邊界以楔題光乃壺範

張萬選妻塗氏文生正香之女蚤寡撫一子二女均成立躬操家政不辭勞瘁日臻富有年六十餘嘗被匪劫夜深邏匪懈得脫其縛遁歸未損一錢或謂天之報苦節其理有可憑者詎料其子世海年逾三旬尙無子復被匪掠去害之並騙去萬餘金若是者天道又安在邪噫

從九張開梁妻彭氏年三十夫故撫孤子世榮畢業於省立第一師範學校見年六十餘覃章憲妻李氏年二十夫故子遵孝甫半歲對靈座前脫簪珥泣誓守志事孀姑實行溫清之儀撫孤兒不事姑息俾得成人迄今四十餘年鄉里咸欽公贈匾額一方以嘉其節

永順縣志

卷三十

人物志 列女節

十五

武生向隆春側室劉二十六歲守節見年六十歲

彭毓璋妻李氏廩生正傳之女年二十六夫故撫子居母家守志見年六十歲

武生樊生煌妻冷氏年三十夫故守節見年六十歲

劉綿縉妻王氏年二十一夫故無子祧孫見年六十歲

田大成妻彭氏年二十六夫故撫孤成立見年六十歲

毛孝順妻王氏年二十五夫故守節見年六十歲

向嘉瓚妻楊氏名玉貞年十七于歸不兩載嘉瓚生惡疾癯瘦徧體沾汚牀褥腥臭刺鼻玉貞晨夕奉侍無厭久之嘉瓚不起玉貞年才二十有二姑以其年幼無出趣令改醮玉貞誓死靡他翻失姑意詎諄時聞仍恪盡婦職雖經百折不墮初心見年六秩有餘廣行慈善里鄙莫不稱之

向登虞妻馬氏清廩生光衡姊也年十八夫故無子移夫兄子承祧見年屆六旬已抱孫焉

瞿開璿妻董氏年二十三生子未週歲夫故矢志撫孤見年近六旬

彭朝申妻王氏清廩生光湘之女年二十五夫故僅一女無子家貧親操作奉姑養女備

極艱辛見年近六旬

田著善妻彭氏年二十二夫故守節見年五十八歲

張承聖妻田氏其弟媳亦氏田故此曰大田妹年二十餘其舅溺水死其夫作客死家貧
爲人傭撫二子成立無何長子宗耀亦客死於遠方次子宗輝從軍伍字營戰死子然
一身自食其力老而彌苦見年五十八歲

龔大喜妻田氏年二十八夫故撫子文炳成立見年五十六歲

胡光佑妻董氏年二十五夫故撫子榮昌成立鄉先生彭施鐸與其戚友等贈有操勁德
貞匾額向澤南紮松柏塲時榮昌爲其鄉導被匪擊斃董氏年老無依艱難萬狀見年
五十六歲

嚴士浩妻王氏年二十八歲夫故撫孤成立見年五十四歲

永順縣志

卷三十

人物志 列女 節

十六

符泰定妻向氏年二十二夫故守節見年五十四歲

金大受妻張氏年二十三夫故守節見年五十三歲

田必莊妻單氏文生定仁之媳于歸時舅姑俱物逮事祖姑無失禮其夫誠慤能文夙嬰
羸疾事之謹年二十生子大孝甫半歲夫故單性強忍力持門戶外侮頻仍苦而彌堅
未幾孤兒夭又撫五齡孤孫備極艱辛見年五十二歲

劉永魁妻胡氏年二十二夫故無子家貧有勸再醮者力拒之得終志清光緒丙申學使

江標獎以竹勁波寒見年五十二歲

萬上珍妻周氏年十八夫故守節見年五十二歲

向德章妻劉氏年二十八夫故家貧採薪傭工以撫其子鄰里賢之見年五十二歲

覃振緒妻田氏年二十六夫故撫二子成立見年五十二歲

舒先拔妻陳氏年二十七夫故守節撫孤成立爲之娶妻不幸子媳俱逝惟餘七旬老姑
在堂孝養無缺鄰里賢之見年五十二歲

張超南妻向氏年二十六夫故撫一子二女成立見年五十二歲

吳安賢妻彭氏年二十五夫故守節見年五十歲

田安都妻王氏年二十夫故無子居母家守節黎大總統嘗旌以節勵松筠四字見年五十歲

田安義妻向氏年二十四夫故撫子仁和成立見年五十歲

劉垂家妻羅氏武生占先之女年二十四夫故子二一爲遺腹生撫之成立見年五十歲

永順縣志

卷三十

人物志 列女 節

十七

